

Cuestionario Proust: Luís Valle

5 Febreiro 2014 / [Divulgación](#), [Literatura galega](#)



1.– Principal trazo do seu carácter?

– A paciencia.

2.– Que calidade aprecia máis nas persoas?

– A honradez.

3.– Que agarda das súas amizades?

– Agardar, nada en concreto.

4.– A súa principal eiva?

– Teño moitas, a inconstancia, o egoísmo, o abatemento...

5.– A súa ocupación favorita?

– Procurar a poesía.

6.– O seu ideal de felicidade?

– Ver felices aos outros.

7.– Cal sería a súa maior desgraza?

– Perder a memoria e a conciencia dun mesmo.

8.– Que lle gustaría ser?

– En sentido estrito, non teño vocacións. No referente ao traballo ensináronme a valorar máis o 'como se fai' que o 'que se é'.

9.– En que país desexaría vivir?

– No que vivo.

10.– A súa cor favorita?

– O negro.

11.– A flor que máis lle gusta?

– A orquídea.

12.– O paxaro que prefire?

– Por razóns distintas, o merlo e o paporroibo.

13.– A súa devoción na prosa?

– Juan Rulfo.

14.– E na poesía?

– Paul Celan.

15.– Un libro?

– Vou dicir tres, *King Lear*, *À la recherche du temps perdu* e *Cómaros verdes*.

16.– Un heroe de ficción?

– Gilgamesh.

17.– Unha heroína?

– Cordelia.

18.– A súa música favorita?

– O Rock and roll.

19.– Na pintura?

– Claudio de Lorena.

20.– Un heroe ou heroína na vida real?

– Os meus pais.

21.– O seu nome favorito?

– Un hidrónimo, Azúmara.

22.– Que hábito alleo non soporta?

– Non aturo aos murmuradores, aos que falan da vida dos mais á lixeira, dun xeito morboso ou mesquiño.

23.– O que máis odia?

– Amólame a inxustiza.

24.– A figura histórica que máis despreza?

– O arquetipo do ditador ou do tirano, chámese como se chame.

25.– Un feito militar que admire?

– Ningún. Admiro os feitos que, excepcionalmente, lograron evitar a guerra.

26.– Que don natural lle gustaría ter?

– A beleza.

27.– De que maneira lle gustaría morrer?

– Sen dor e amando.

28.– Cal é o seu estado de ánimo máis habitual?

– De moderada infelicidade, pero optimista.

29.– Que defectos lle inspiran máis indulxencia?

– Aqueles froito das conviccións cívicas.

30.– Un lema na súa vida?

– Citando a Extremoduro: ‘¡Ama, ama..., y ensancha el alma!’.